

اتوار 14 اپریل، 2019ء

مضمون۔ کیہ پاپ، بیماری تے موت اصلی نیں؟

سنہری مستن: زبور 107:20 آیت

”اوہ اپنا کلام نازل کر کے اوہناں نوں شفا دیند اے تے اوہناں نوں اوہناں دی ہلاکت توں رہائی  
دیند اے۔“

جوابی پڑھائی: رومیوں 8 باب 1 توں 9 آیتاں

- 1۔ ایس لئی ہن جیہڑے مسیح یسوع وچ نیں اوہناں اُتے سزا دا حکم نہیں۔
- 2۔ کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد  
کر دتا۔
- 3۔ ایس لئی پی جیہڑا کم شریعت جسم دے پاروں ماڑی ہو کے نہ کر سکی اوہ رب نے کیتا یعنی اوہنے اپنے پتر نوں  
پاپ آلود جسم دی صورت وچ تے پاپ دی قربانی لئی گھل کے جسم وچ پاپ دی سزا دا حکم دتا۔
- 4۔ تاں جو شریعت دا تقاضا ساڈے وچ پورا ہووے جسم دے مطابق نہیں بلکہ روح دے مطابق چل دے  
آں۔

- 5- کیوں جے جیہڑے جسمانی نیں اوہ جسمانی گلاں دے خیال وچ رہندے نیں پر جیہڑے روحانی نیں اوہ روحانی گلاں دے خیال وچ رہندے نیں۔
- 6- تے جسمانی نیت موت اے پر روحانی نیت حیاتی تے اطمینان اے۔
- 7- ایس لئی پئی جسمانی نیت رب دی دشمنی اے کیوں جے نہ تے رب دی شریعت دے بیٹھاں اے نہ ہو سکدی اے۔
- 8- تے جیہڑے جسمانی نیں اوہ رب نوں خوش نئیں کر سکدے۔
- 9- پر تسی جسمانی نئیں بلکہ روحانی او بشرطیکہ رب داروح تہاڈے وچ وسدا ہووے۔ پر جیدے وچ مسیح داروح نئیں اوہ اوہدا نئیں۔

درسی وعظ

بائبل وچوں

1- پیدائش 1 باب 1، 31 آیت (توں پہلا)

1- رب نے شروع وچ دھرتی تے اسمان نوں بنایا۔

31- تے رب نے سب کجھ ول جو اوہنے بنایا سی نظر کیتی تے ویکھیا پئی بوہت چنگاے۔

## 2- پیدائش 2 باب 6، 9، 15، 17 آیتاں

6- بلکہ دھرتی وچوں کھر اٹھدی سی تے ساری دھرتی نوں سیراب کردی سی۔

9- تے خداوند رب نے ہر رُکھ نوں جیہڑا ویکھن وچ خوشنماتے کھان ولئی چنگا سی دھرتی توں اگایا تے باغ دے وچکار حیاتی دا رُکھ تے نیکی تے بدی دی پچھان دا رُکھ وی لایا۔

15- تے خداوند رب نے آدم نوں لے کے عدن دے باغ وچ رکھیا پئی اوہدی راکھی تے نگہبانی کرے۔

16- تے خداوند رب نے آدم نوں حکم دتا تے آکھیا پئی توں باغ دے ہر رُکھ دا پھل بغیر روک ٹوک کھاسکدا  
ایں۔

17- پر نیکی تے بدی دی پچھان دے رُکھ دا کدی نہ کھائیں کیوں جے جیس دن توں اوہدے وچوں کھادا تو  
مریا۔

## 3- پیدائش 3 باب 1 توں 6، 13، 17 آیتاں

- 1- سڀ سارے دشتی جانوراں وچوں جنساں نوں خداوند رب نے بنایا سی چالاک سی تے اوہنے عورت نوں آکھیا پئی کیہ سچی مٹی رُب نے آکھیا اے پئی باغ دے کسے رُکھ دا پھل تسی نئیں کھانا۔
- 2- عورت نے سڀ نوں آکھیا پئی باغ دے رُکھاں دا پھل تے اسی کھاندے آں۔
- 3- پر جیہڑا رُکھ باغ دے وچکاراے اوہدے پھل دے بارے رُب نے آکھیا اے پئی تسی نہ اوہنوں کھانا نہ ہتھ لانا نئیں تے مر جاؤ گے۔
- 4- تہ سڀ نے عورت نوں آکھیا پئی تسی بالکل نئیں مرو گے۔
- 5- بلکہ رُب جان داے پئی جیہیں دن تسی اوہنوں کھاؤ گے تہاڑی اکھیاں کھل جان گئیاں تے تسی رُب وانگر نیکی تے بدی نوں جانن والے بن جاؤ گے۔
- 6- عورت نے جدوں ویکھیا پئی اوہ رُکھ کھان نوں چنگا تے اکھیاں لئی خوشنما لگدا اے تے سیان دین لئی واواہ اے تے اوہدے پھل وچوں لیا تے کھادا تے اپنے بندے نوں وی دتا تے اوہنے کھادا۔
- 13- تہ خداوند رب نے عورت نوں آکھیا پئی تو ایہہ کیہ کیتا؟ عورت نے آکھیا پئی سڀ نے مینوں ورغلا یا تے میں کھادا۔
- 17- تے آدم نوں اوہنے آکھیا کیوں جے تو اپنی بڈھی دی گل منی تے اوس رُکھ دا پھل کھادا جیدے بارے میں تینوں حکم دتا سی پئی نہ کھائیں ایس لئی دھرتی تیرے پاروں لعنتی ہوئی۔ مشقت دے نال تو اپنی ساری عمر اوہدی پیداوار کھائیں گا۔

#### 4- مرقس 8 باب 27 (توں پہلا،)

## 27- فیر یسوع چلا گیا۔

## 5- مرقس 9 باب 14 توں 29 آیتاں

14- تے جدوں اوہ شاگردوں دے کول آئے تے ویکھیا پئی اوہناں دے چاروں پاسے اک وڈھا جتھاے فقیہ اوہناں نال بحث کر رہے نیں۔

15- تے اوہ ویلے سارا جتھا اوہنوں ویکھ کے حیران ہوئی تے اوہ دے ول نس کے اوہنوں سلام کرن لگے۔

16- اوہنے اوہناں نوں پچھیا تھی اوہناں نال کیہ بحث کر دے او؟

17- تے جتھے وچوں اک نے اوہنوں جواب دتا تے استاد میں اپنے پترنوں جیدے وچ گنگی روح اے تیرے کول لیا یا سی۔

18- اوہ جتھے اوہنوں پھڑدی اے چک کے مادی اے تے اوہ کف بھر لیاؤندا اے تے دند پسد اے تنک دا جاندا اے تے میں تیرے شاگرداں نوں آکھیا سی پئی اوہ ایہنوں کڈھ دین پر اوہ نہ کڈھ سکے۔

19- اوہنے جواب وچ اوہناں نوں آکھیا اے بے ایمان قوم میں کدو تیکر تہاڈے نال رہواں گا؟ کدوں تیکر تہانوں برداشت کراں گا؟ اوہنے میرے کول لیاؤ۔

20- ایس لئی اوہ اوہنوں اوہدے کول لیاے تے جدوں اوہنے اوہنوں ویکھیا تے اوہنے ویلے روح نے اوہنوں مروڑیا تے اوہ نے جتھے ڈگ گیا تے کف بھر کے تے لٹن لگ گیا۔

21- اوہنے اوہدے پیو کولوں پچھیا ایہہ اوہنوں کنسے چرتوں اے؟ اوہنے آکھیا بچپن توں؟

22- تے اوہنے کئی واری اوہنوں اگ تے پانی وچ سُٹیا پئی اوہنوں ماردیوے پر جے توں کجھ کر سکدا ایں تے ساڈے اُٹے ترس کھا کے ساہنوں مدد کر۔

23- یسوع نے اوہنوں آکھیا کیہ! جے توں کر سکدا ایں! جیہڑا ایمان رکھدا اوہدے لئی سب کجھ ہو سکدا اے۔

24- اوس منڈے دے پیونے اوسے ویلے اُچی آواز نال آکھیا میں ایمان رکھدا آں۔ تو میری بے اعتقادی دا علاج کر۔

25- جدوں یسوع نے دیکھیا پئی لوگ دوڑ دوڑ کے اکٹھے ہو رہے نیں تے اوس ناپاک روح نوں جھڑک کے آکھیا پئی اے گنگی بولی روح! میں تینوں حکم دیندا آں ایہدے وچوں نکل آتے اوہدے وچ فیر کدی نہ وڑیں۔

26- اوہ چیک کے تے وہنوں مروز کے نکل آئی تے اوہ مردہ جیا ہو گیا اینویں پئی کئی لوکاں نے آکھیا پئی اوہ مر گیا۔

27- پر یسوع نے اوہدا ہتھ پھڑ کے اوہنوں اٹھایا تے اوہ اٹھ کھلوتا۔

28- جدوں اوہ گھر وچ آیا تے اوہدے شاگرداں نے اوہلے وچ اوہنوں پچھیا پئی اسی اوہنوں کیوں نیں کڈھ سکے؟

29- اوہنے اوہناں نوں آکھیا پئی ایہہ قسم دعا دے علاوہ کسے ہو رطراں نیں نکل سکدی۔

## 6- یوحنا 14 باب 10 (لفظ) توں 12 آیتاں

10۔۔۔ ایہہ گلاں جیہڑیاں میں تہانوں آکھدا میرے ولوں نہیں آکھدا پر پیو میرے وچ رہ کے اپنا کم کرداے۔

11۔ میرا یقین کرو پئی میں پیو وچ آں تے پیو میرے وچ۔ نہیں تے میرے کماں پاروں ہی میرا یقین کرو۔

12۔ میں تہانوں سچی آکھدا آں پئی جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا بلکہ ایہناں توں وی وڈھے کم کرے گا کیوں جے میں پیو کول جاناں واں۔

## 7۔ یوحنا 15 باب 11 آیت

11۔ میں ایہہ گلاں ایس لئی تہاڈے نال کیتیاں نیں پئی میری خوشی تہاڈے وچ ہووے تے تہاڈی خوشی پوری ہو جاوے۔

## سائنس تے صحت

1۔ 17-15:526

رب نے جو کجھ بنایا سی اوہنوں چنگا آکھیا تے کلام واضح کرداے پئی سب کجھ اوہنے ای بنایا۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاے۔

## 2- 4-1:71

کجھ وی اصلی تے ابدی نہیں اے، کجھ وی روح نہیں اے، سوائے رب تے اوہدے خیال دے۔ بدی وچ کوئی اصلیت نہیں اے۔ ایہہ نہ تے کوئی بندہ، تھان تے نہ ای کوئی شے اے، بلکہ صرف اک عقیدہ، مادی جس دا اک وہم اے۔

## 3- 228:25-29 (دو جے توں)

رب توں وکھ کوئی طاقت نہیں اے۔ قادر مطلق وچ ساری طاقت اے، تے کسے ہوور طاقت نوں منناں رب دی بے عزتی کرن دے برابر اے۔ حلیم ناصر نے ایس مفروضے نوں رد کردتا سی پئی پاپ، بیماری تے موت وچ کوئی طاقت اے۔ اوہنے ایہناں نوں بے اختیار ثابت کیتا۔

## 4- 538:13-22

”حیاتی دائرہ“ ابدی اصلیت یا ہستی دی علامت اے۔ ”پچھان دائرہ“ غیر اصلیت دی نشانی بن دا اے۔ سب دی گواہی غلطی تے اوس جھوٹے دعوے دی علامت اے جیہڑا رب یعنی چنگلیائی نوں غلط بیان کردا اے۔ پاپ، بیماری تے موت دے حوالے نال پیدا کیش وچ دتے ہوئے الوہیت دے تعارف وچ کوئی ریکارڈ نہیں ملدا، جیدے وچ رب اسمان، دھرتی تے انسان نوں بناؤندا اے۔ بدی دی کوئی تاریخ نہیں سوائے ایہدے پئی جیہڑا میدان وچ وٹن دی سچھائی

بائبل دا ایہہ سبق پلین فیلڈ کرچن پرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔



دی مخالفت کردا اے، تے بدی نوں بس اصلیت تے ابدیت دے مقابلے وچ غیر حقیقی دے طور تے ای پیش کیتا گیا اے۔

5- 23-18:567

ایہہ جھوٹا دعویٰ، ایہہ پرانا عقیدہ پئی پرانا سچ جیداناں شیطان (بدکار) اے، جیہڑا مادے دی ذہانت داد دعویٰ کردا اے بھانویں اوہ انسان دے فائدے لئی ہووے یا نقصان لئی، اوہ بڑا واضح و ہم، لال اژدھا اے تے اوہنوں مسیح، سچائی، روحانی خیال نے باہر کڈھ کے سٹ دتا اے، تے ایس لئی ایہہ بے اختیار ثابت ہو گیا اے۔

6- 28-22:492

ایہہ قیاس پئی سیان تے مادا پاپ، بیماری تے موت دے انسانی و ہم وچ گھل مل جاندا اے نیں اخیریں الہی سائنس دے بیٹھاں ہو جاندا اے، جیہڑا ایس قیاس توں انکار کردا اے۔ رب سیان اے، رب حدوں باہر اے؛ ایس لئی سب کجھ سیان ای اے۔ شخصی سائنس ایہدے اُتے ای اے، تے ایس سائنس دا اصول الہی اے، جیہڑا ہم آہنگی تے لافانیت نوں ظاہر کردا اے۔

7- 15-31:385

کسے اک عاقل دے طور تے تہاڈے جسم یا سست مادے ولوں آؤن والی فرضی معلومات فانی سوچ دی فریب نظری  
اے، ایہہ اوہدے سُنیاں وچوں اک اے۔ ایس گل نوں جانو پئی حساں داثبوت بیماری دے معاملے وچ ہو رہیہناں  
قبول نئیں کیتا جاندا جنہاں پاپ دے معاملے وچ کیتا جاندا اے۔

جسم نوں خاص درجہ حرارت اُتے ننگا کرینے تے عقیدہ آکھدا اے پئی تہانوں نزلہ زکام ہو جاندا اے، پر سیاں ولوں  
مطلوب تے پیدا کیتے بغیر ایہہ اکوئی نتیجہ نئیں نکل سکدا۔ جیویں پئی بشر ایہہ واضح کردے نیں پئی کجھ حالتاں نزلہ،  
بخار، گیٹھیا یا تب دق پیدا کردیاں نیں جیہڑیاں ایہناں اثراں نوں جنم دیندیاں نیں موسم دے پاروں نئیں بلکہ  
عقیدے دی بنیاد اُتے۔ لکھاری نے بوہت ساریاں مثالاں وچ فانی سوچ اُتے سچیاں دے کم پوروں تے جسم اُتے  
سچیاں دے اثراں دے پاروں بیماری توں شفا دتی، ایہہ جانن توں بغیر پئی ایہہ اہنچ دا اے۔

8- 10-1:230

جے بیماری اصلی اے تے ایہہ لافانیت نال تعلق رکھدی اے؛ جے سچی اے تے ایہہ سچیاں دا حصہ اے۔ نشے دے نال  
یا ایہہ دے بغیر کیہ نسی سچیاں دی حالت یا خصوصیت نوں تباہ کرو گے؟ پر جے پاپ تے بیماری وہم نیں، تے ایس فانی  
سُفنے یا وہم توں جاگنا ساہنوں صحتمندی، پاکیزگی تے لافانیت حاصل کردا اے۔ ایہہ جاگنا مسیح دا آؤنا اے، سچیاں دا ویلے  
توں پہلاں اظہار جیہڑا غلطی نوں باہر کڈھدا تے بیمار نوں ٹھیک کر دیندا اے۔ ایہہ اوہ مکتی اے جیہڑی رب، الہی اصول،  
اوس محبت پاروں بلدی اے جنہوں یسوع نے ظاہر کیتا اے۔

9- 3-29، 14-13:427

بائبل دا ایہہ سبق پلین فیلڈ کرچن پرچ، آزاد ولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

موت سُننے دا اک مرحلہ اے کیوں جے وجود مادی ہو سکدا اے۔

ایہتھے تے آخرت وچ موت دے سُننے دی قیادت سیان کردی اے۔ اپنے آپ دے مادی اظہار توں سوچ ”میں مردہ آں“ پیدا ہندی اے تاں جو سچائی دے ایس چھٹکن والے لفظ نوں پھڑ سکے، ”کوئی موت، بے عملی، بیماری والا عمل، رد عمل تے نہ ای شدید رد عمل اے۔“

حیاتی اصلی اے، تے موت وہم اے۔

10- 14-6:428

ایس مقتدر ویلے وچ انسان دی ترجیح اپنے مالک دے ایہناں لفظاں نوں ثابت کرنا اے: ”جے کوئی بندہ میرے کلام اُتے عمل کرے گا تے اوہ ہمیشہ تیکر کدی موت نوں نہ دیکھے گا۔“ جھوٹے بھر و سیاں تے مادی ثبوت تے دے خیالاں نوں مکھن لئی، تاں جو شخصی روحانی حقیقتاں سامنے آؤن، ایہہ اک بوہت وڈھا حاصل کنندہ اے جیدے راہیں اسی غلط نوں مکا دیواں گے تے سچائی نوں تھان دیواں گے۔ ایس طراں اسی سچائی دی اوس ہیگل یا بدن نوں بناؤندے آں، ”جیہدا مستری یا بناؤند والا رب سے۔“

11- 29-26:570

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیریں نال بنیاں۔

جدوں رب بیمار یا پاپ کرن والے نوں شفا دیندا اے تے اوہناں نوں اوس وڈھے فائدے توں واقف ہونا چاہیدا اے  
جیہڑا سیان اوہناں لئی لیائی اے۔ اوہناں نوں سیان دے اوس وڈھے وہم توں وی واقف ہونا چاہیدا اے جیہڑا اوہناں  
نووں بیمار یا پاپی بناؤندا اے۔

12- 17-12:572

محبت کر سچ سائنس دے قانون نوں پورا کر دی اے، تے ایس الہی اصول توں بگیر کجھ وی، سمجھیا جان والے ظاہر  
ہون والا، اسمانی کتاب دی بصیرت نوں آراستہ نہیں کر سکدا، ایہہ کتاب جیہڑی سچائی دے نال غلطی دیاں ست مہراں  
کھولدی اے یا پاپ، بیماری تے موت دے ہزاراں وہماں نوں بے نقاب کر دی اے۔

13- 20-9:242

اسمان اُتے جان داکلار استہ ہم آہنگی اے تے مسیح الہی سائنس وچ ساہنوں ایہہ راستہ دکھاؤندا اے۔ ایہدا مطلب رب،  
چنگیائی تے اوہدے پرچھانویں توں علاوہ کسے ہور اصلیت نوں نہ جاننا، حیاتی دے کسے ہور ضمیر نوں نہ جاننا اے، تے بس  
نال دی ای پیڑتے خوشی دے احساساں توں برتر ہونا اے۔

خود پرستی اک مضبوط جسم توں بوہتی غیر شفاف اے۔ صابر رب دی صابر تابعداری وچ آؤ غلطی، خود ارادی، خود جوازی تے خود پرستی دے سخت پتھرنوں پیار دے محلول نال حل کرنے لئی کوشش کریئے جیہڑا روحانیت دے خلاف جنگ کردا اے تے ایہہ پاپ تے موت دا قانون اے۔

## 14- 29-21:227

کر سچن سائنس آزاد نوں اچا کر دی تے چیکدی اے پئی: ”میرے مگر ٹرو! بیماری، پاپ تے موت دے بندھناں توں بچو!“ یسوع نے راستہ سدھا کیتا اے۔ جگ دے واسیو! ”رب دے بچیاں دی جلالی آزادی“ نوں قبول کرو، تے آزاد ہوو! ایہہ تہاڈا الہی حق اے۔ مادی حس دے وہم نے، نہ کہ الہی قانون نے، تہانوں بنھیاں ہوئیا اے، تہاڈے آزاد حصیاں نوں جکڑیا ہوئیا اے، تہاڈی صلاحتاں نوں پھڑکے رکھیا اے، تہاڈے جسم نوں ماڑا کیتا ہوئیا اے، تے تہاڈی ہستی والی تختی نوں خراب کے رکھیا اے۔

## 15- 26-20:390

سوچ نوں وڈھا کرن لئی کسے پاپ یا بیمارے دے دعوے نوں برداشت نہ کرو۔ ایک مضبوط عقیدے دے راہیں ایہنوں خارج کرو پئی ایہہ غیر قانون اے کیوں جے تسی چاؤندے اور پئی رب بیماری دا مصنف نیں اے جیویں پئی اوہ پاپ دا نیں اے۔ تہاڈے کول پاپ یا بیماری وچ کسے اک دی لوڑ دی حمایت لئی اوہدا کوئی قانون نیں اے، پر تہاڈے کول ایس لوڑ دا انکار کرن تے بیمار نوں شفا دین دا اختیار ضرور اے۔

بائبل دا ایہہ سبق پلین فیلڈ کر سچن چرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میسری سیکریٹری دی لکھی ہوئی کر سچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

## روزانہ دے فرض

میری بیکرا ایڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچپائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوسٹیل، آرٹیکل VIII، سیکشن 4۔

### مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچپائیاں دا پرچھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوسیل، آرٹیکل VIII، سیکشن 6۔